

中華民國九年五月中旬出版

第二十四號

貴州政報

本報

報費價目

每冊貳角貳分	每月貳角陸分	半年貳元叁角	全年貳元陸角
本城專送省外郵寄費用一并在內			

本報

告白價目

等	第	每	期	全	面	每	期	半	面	每	期	一	面	四	分	之	一
特等	(	底	頁	之	裏	)	叁	元									
優等	(	底	頁	之	裏	)	貳	元	肆	角							
普通	(	公	文	之	後	)	壹	元	捌	角							
連登三期以上九折三個月以上八折半年以上七折全年面議							壹	元									
							陸	角									

類目

(一) 政府命令

(二) 部咨

(三) 軍署公文

(四) 本署公文

令各縣省志採訪依限呈報

捐贈書籍於圖書館令

令各校按期呈報存款

發下課桑調查表令

註銷鄰知事記過處分

懲戒平丹縣知事令

石阡無着丁糧不得攤征令

賄縱監犯懲戒令

盤量義谷保管令

籌款補修城垣令

縣紳特捐請獎令

呈送學務進行簡章令

歸併通俗講演所令

斗捐改收銀兩令

呈請頒發學校分數表式令

呈報各區栽桑情形令

答覆種棉情形咨

(五) 各機關文牘

調查風雹災情令

呈請續征牲畜捐令

令發管獄員就職期限規則

令發各監病斃人犯懲獎規則

查核監獄統計令

呈覆縣民請求再審案與條件不符

(六) 法規

保商營簡章

(七) 圖表

(八) 批告

省公署牌示一件

省公署批三件

黔中道署批三件

警務處批一件

貴陽地檢廳批一件

(九) 判牘

判決陳樹清盜匪傷害案

沈宋氏賂誘一案公判請求書

(十) 代佈

(十一) 附錄

法律解釋輯要

貴 州 政 報

本署公文

貴州省長公署訓令

民國九年五月

令各縣知事速將省志採訪依限呈報由

查各縣省志採訪事關全省文獻志局開辦之初本署業將此項採訪訂入各縣考成前經通令遵照在案現屆第五期呈核期間黎平丹江等縣呈報已至四次餘多未能依限呈報雖各縣文化不能一致辦理惟視乎人其在熱心文獻之知事無論地方如何閉塞徵集如何困難均能隨時督促進行按期呈送彙編餘則僅有採訪處所之名內容多屬敷衍所有採訪事件東鱗西爪不加甄採遽爾呈送已屬疏忽甚至採訪各員放棄職責統限將滿竟無隻字報告該縣亦不過問或藉口經費支絀文獻無徵將近一年并未呈報一次尤屬玩視要公凡此率忽將事均屬不顧考成地方官既違背職務於先本省長亦惟

貴州政報

執法以繩其後爲此令仰該知事遵照務須督飭各員紳按照條例悉心徵集迅速趕繕成冊呈核以憑送局彙編勿稍玩延致干咎戾并將辦理情形暨呈報次數據實呈報以憑核辦切切此令

貴州省長公署訓令

民國九年五月

令

法政 農業者 模範中學

各校

貴陽 安順 遵義 都勻 鎮遠 天柱 銅仁 松桃

各縣據京師圖書分館函請飭中等以

上各校捐贈書籍由

案准京師圖書館函開竊維圖書館之設網羅宜廣規制務宏非并納兼收無以極墳典之大觀供士民之蒐討本館爲國立圖書館分館現藏圖籍雖已略備尙應益求美富廣事搜羅以驗社會與時進化之幾而彰一國文物聲明之盛惟是時賢新著海內名篇輒以鳩聚爲難不免珠遺之憾查今世歐美日本各國圖書館所藏卷帙皆極繁富雖藉購求之力亦賴捐助以成本館惟冀館中能多一冊之書即學術上多受一分之益竊願懇求貴署轉飭所屬中等以

貴州政報

上各學校有新出版之書籍暨各種月刊雜誌悉以一份捐贈本館如蒙慨諾
自當登報鳴謝以播芳型等由准此合行令仰該校
將所有應贈書籍等物逕送該館收藏可也此令

校遵
知事轉飭所屬中等以上各校遵照

貴州省長公署訓令

民國九年四月

令省立各學校按期呈報存款由

查省立各學校一切存款及收入學費例應繳解來署以重公款而清手續乃
積之既久亦間有存而不解者長此以往或致不可究詰殊非慎重公款之道
爲此令仰該校職員遵照此後除學費一項仍照常繳解外所有其他存款應
即存放銀行保管并將存款數目每屆六月十二月按期呈報一次以便本署
隨時派員稽核而重公款是爲至要切切此令

貴州省長公署訓令

民國九年四月

令蠶桑總局發下課桑調查表仰轉飭遵辦由

貴 州 政 報

查調查蠶桑一案業經遴員委定令將委狀轉發給領并飭順道兼查課桑案中之分配人民栽桑情形具報在案茲特飭科釐訂課桑表式一種隨文附發合行令仰該局長遵卽轉飭各調查員依式據實查填分報以憑核辦再調查原定以三箇月爲期此次兼查課桑又八年度預算經費尙有盈餘儘可酌量延期一二月以期周至而免草率合併飭遵此令

貴州省長公署指令

民國九年四月

令財政廳廳長段家榕據呈請註銷郎岱縣鄒知事催征丙辰欠賦案內記過處分由

呈悉據稱郎岱縣知事鄒鑑於展限期內將乙丙丁戊四年各糧額完全征解清楚并清獲逾額糧五石有奇照征具解尙有微勞足錄所有前次催征丙辰及積年欠賦不力案內記過處分准予註銷以示勸勉仰卽轉令知照此令

貴州省長公署指令

民國九年五月

貴州政報

令財政廳廳長段家榕據呈平舟縣知事違章浮收拒絕黔幣經人民告發証據確鑿請照例懲戒由

呈件均悉平舟縣知事李煒新違章浮收拒絕黔幣經人民告發証據確鑿實屬貪婪已極應將該知事立予撤省以儆官邪仍由廳切實查明該知事浮收之數究有若干如數追繳并後嚴議擬呈候酌奪仰即遵照再查文官懲戒條例頒行後知事懲戒條例業經廢止自不適用合併令知抄件存此令

貴州省長公署指令

民國九年五月

令財政廳廳長段家榕據呈覆石阡縣攤征無着丁糧情形由

呈件均悉據稱石阡縣無着丁糧前據周知事呈請按戶攤加當查所加之數無多人民或可擔負暫准照辦嗣因紳民反對周知事續呈取銷自未便出爾反爾等情在該廳以爲急則治標苟能攤加足額何嘗非計不知攤加辦法流弊滋多倘奸民乘此時機勢必藉故逃亡愈逃愈加愈衆良民受累何可

貴州政報

勝言自應將攤加辦法立予取銷仍由廳責成該縣知事遵照撥冊簡章規定辦法認真清理該縣糧額自有規復之日切勿稍事操切加重人民負擔是爲至要仰卽遵照并候轉咨

省議會查照抄件繳件併存此令

貴州省長公署指令

民國九年四月

令高檢廳檢察長曹興蘄據呈卸任正安縣知事陳棟樑賄縱要犯李華廷請示由

呈悉查已撤正安縣知事陳棟樑保釋監犯李華廷一案當日如果不便執行何以并不請示辦理未經呈報核准輒予從權保釋卽使該監犯患病屬實該已撤知事亦難辭違法之咎現既據新任周知事提訊該縣管獄員陳廷鼓暨醫士人等証明種種虛捏顯見該前任確有賄縱情弊閱呈之餘令人髮指第查該陳知事在任時業已發見種種控案由本署派查屬實曾將該知事撤任

貴 州 政 報

交付法庭依法訊辦在案此案關涉刑事嫌疑情節至重一面仍仰該廳督飭新任縣勒限保人閔子珍等迅將該犯李華廷交案訊明捏病賄弊種種情節據實呈覆卽由該廳轉令地檢廳併案起訴依法究辦以儆官邪切切此令

貴州省長公署指令

民國九年四月

令都江縣知事王亮周據呈報委員盤量義穀情形并填送一覽表由

呈表均悉該縣義倉穀石既經該知事於到任後派員盤量與原額數目相符尙無朦混侵蝕虧挪等弊並將所增息穀照章分配辦理尙屬認真殊堪嘉慰仰仍督飭各該管倉員妥爲保管按期散放俾穀本年有增加以重民食切切此令表存

貴州省長公署指令

民國九年四月

令鑪山縣知事田復宗據呈補修城垣變穀籌款由

呈悉該縣因城垣坍塌籌款補修自屬正辦既經籌獲的款一百六十六元不

貴

州

政

報

敷洋一百五十元所請借用常平倉穀變價補助之處以公辦公本無不可惟常平倉穀關係民食最爲重要據稱因上年秋收歉薄米價昂貴且常有缺市情形民間恐慌已可想見應將常平倉穀碾米平價以安人心秋後購穀填還若有長餘之款卽撥作補修城垣不敷之數似於民食城工均可維持一面查明該縣一京石折合市石若干每京石可碾米幾何以及辦理情形分別呈報查考仰卽遵照切切此令

貴州省長公署指令

民國九年四月

令紫江縣知事李乃揚據呈故紳胡正益捐款創興公益請依例特獎由呈及各件均悉查該縣故紳胡正益生平大略孝義可風旣辦踊於榛莽且敝屣乎田廬往往活轍下之鱗掩道旁之骼給韓康之藥指魯肅之困已覺難能尙屬餘事夫崎嶇失路楊朱以悲溱洧無橋鄭僑用惠該故紳蚨囊獨解慷慨揮五百鉅金羊場底平修築至三十餘里其尤難得者范氏睦族不聞設塾延

貴 州 政 報

師游吉雖賢幾至怒鄉毀校該故紳念童蒙之未啓遽興絃誦於里中慮質土之有虧又捐貲財於校裏然後人文蔚起郡學丕興核諸大端均非小補允宜褒獎以表芳徽既據該紳等開具事實清冊并鄰佑切結呈請特獎復經該縣查明出具証書轉呈前來所請給予匾額并准建坊之處應予照准先由本省長以樂善好施四字匾額題贈該故紳胡正益以爲鄉閭矜式隨文發下仰卽飭知該故紳家族祇領可也再查該縣所引褒揚條例及細則係三年內頒行之件此項條例細則已於七年一月內由部修正刊布并經本署通令遵照在案是前項條例細則已不適用該縣何得援引殊有未合將來大局解決該縣亟應按照修正褒揚條例細則連同褒揚各費補造事實冊結及証明書一併另文呈繳來署以憑核辦合併令知各件并存此令

貴州省長公署指令

民國九年四月

令貴西道道尹吳緒華據呈送織金縣民國九年度學務進行簡章由

貴

州

政

報

呈及簡章均悉查該縣所列簡章經勸學所召集各區各員悉心研究以期實行改進殊堪嘉許惟查第十條與部章顯有衝突如每週教授時間部章規定高等小學第一年爲三四小時第二三年三四國民學校第一年二二第二年二六第三第四年二九該縣規定三十六小時不分高等小學國民學校如此祇知偏重教授知識不講求實用之智能身體之養護由外縣職教員未研究教育學之所致實屬不合再查第九條視查成績不及六十分者減十元不及五十分者五元不及四十分者免職語句不明抑或錯誤爲此令仰該道尹將該縣簡章轉飭該縣按指駁各節逐條改正另呈核辦可也此令

貴州省長公署指令

民國九年五月

令永從縣知事陳汝弼據呈擬將通俗講演所併入勸業公所由

呈悉該縣以徒糜款項無補實際擬請將講演所併入勸業所以節經費各情姑予暫行照准惟講演一端關係社會教育甚鉅不得以既經歸併卽置不理

貴 州 政 報

此後應飭由該所長員或勸學所長員兼任講演事務仍須於城鄉定期講演力爲誘導務使風氣漸開民智漸進期收兩全之益勿致偏廢之弊是爲至要切切此令

貴州省長公署指令

民國九年五月

令定番縣知事據呈南鄉斗捐改收銀兩以維學款各情立案由

呈悉該縣屬南鄉斗捐歷係認銀八十兩以作學校經費嗣因米價高昂由該校職員等商同議加爲每場收白米五斗雖經該斗級等具結承認不免退有後言茲既經該知事提案訊明按照前議加抽似嫌過重判令改爲每年繳銀一百二十兩爲人民減輕負擔學款亦不至拮据自可照准立案仰卽轉令遵照此令

貴州省長公署指令

民國九年四月

令黎平縣知事李琳據呈請頒發學校分數表式以便遵行由

貴州政報

呈悉該縣勸學員長周郁文呈稱各校計分法係遵本署第八三〇號訓令所示辦法式樣計算查閱該縣前報區立第二高小校各期學生分數表照該表所列共計欄之數應爲各科總平均數之和平均欄之數應爲科目門數除共計數所得之數今該表共計欄之數既非總平均數之和平均數非科目數除得之數亦非定章每週時數除得之數則呈中所謂遵令者不知係遵何令顯係借以塞責殊屬荒謬本應嚴究姑念該員辦學甚久素著勤能從寬免議所請頒發分數表式即照前八三〇號訓令計算造報并須將每週時數記入表內或於文中聲敘以便核示至前次所報各項表冊仰該縣轉飭該校尅期報署再行核示此令

貴州省長公署指令

民國九年二月

令永從縣知事陳汝弼據呈報各區栽桑情形由

呈悉據稱上年各區領去之桑或分人民領栽或擇公地栽植一二兩區則展

貴州政報

至本年春初併領等語如果於各該區應栽總數不致短少尙屬可行至續領之時該知事擬約同管理員親巡解說具見辦事認真仰即照章課績勿托空談一面於實習生畢業後妥爲分派指導仍候派員前往視察可也仰即遵照此令

貴州省長公署咨

民國九年五月

咨覆整理棉業籌備處准咨發給本署冷委員棉種及各項條規由

爲咨覆事准

貴處咨開前據貴公署採辦棉種委員冷體雲電呈請領國王棉種三千斤長絨棉種四千斤本處先後發給長絨棉種三十包計重三千二百五十五斤改良國王棉種二十包計重二千二百八十斤并發植棉淺說暨提倡棉業辦法八條及給發棉種規則各項咨請查照并將辦理棉業情形彙咨等因准此查本署前因裕國民之經濟順時勢之需要起見對於棉業曾經通令提倡種植

貴州政報

在案無如交通不便籽種購寄維艱除另購之美種業已及時令發素產棉花之羅斛大塘兩縣照章分發人民領種俟後日調查所得成績再行咨報參考外該委員採辦之種據報上月沁日始行出京預計到省時播種期間已過本年恐不能下種只有保存俟之翌年耳至本省植棉區域祇限於毗連湘桂各縣及其他溫度較高地方在舊日又無系統辦法悉由人民之自由栽種復以籽種不良之故棉業愈趨愈下故特由署釐訂提倡棉業章程通令遵辦將來或可漸收成效准咨前因相應將辦理棉業情形抄同章程咨覆

貴督辦查照備案此咨

整理棉業督辦

附抄件（另登）

各機關文牘

貴州黔中道署指令

民國九年五月

令獨山縣知事據呈報該縣屬風雹爲災各情由

據呈該縣屬於四月二十三日夜大風雨雹損壞城垣衙署監獄各情自應及時修理以備不虞惟詳閱所叙災情風雹如此之大自不僅附廓居民受此損失究竟四鄉情形若何該知事職責所在應以人民爲重確切查明具報候核毋稍玩忽切切仍候

省長核示此令

貴州黔中道署指令

民國九年五月

令丹江縣知事據呈請繼續徵收牲畜捐由

呈悉查此案前據該縣前任李知事傳璋呈稱該縣木捐暢旺擬請將牲畜捐